

叢書集成續編 第二二七冊目錄

文學類



瑣談

大正博覽會參觀記一卷	民	王維亮著	房山山房	一
可言十四卷	民	徐珂撰	天蘇閣	九
彤芬室筆記一卷	民	徐新華撰	天蘇閣	二二七
松陰快談一卷	日	長野雀撰	昭代	二四一
善鄰國寶記三卷	日	釋周鳳撰	殷禮在斯	二八一
湘雲瓊語二卷	日	祇園瑜著	甘雨亭	三二三
芳洲口授一卷	日	雨森東口授	甘雨亭	三四三
	日	釋岱、釋琳錄		

書牘

宋孫仲益內簡尺牘十卷	宋	孫觀撰	常州先哲	三六一
	清	李祖堯編注		
	清	蔡焯增訂		
	清	蔡龍孫		
藏密齋書牘一卷	明	魏大中撰	構李	四四一
代少年謝狎妓書一卷	明	袁中道撰	香豔	四六五
明尺牘墨華三卷	清	黃本驥輯	三長物齋	四六九

義烏朱氏論學遺札一卷

清 朱一新撰
民 葉德輝輯

邵園 五一

擬王之臣與其友絕交書一卷

清 吳山秀撰

香豔 五三一

壽文

鶴齡錄一卷

清 李清著

檀几 五三五

以介編不分卷

清 張宗芝錄
清 王瀉

虞山 五四三

延壽錄一卷

□ 不著撰人

有福讀書 五八一

邵村壽言二集十卷

民 祁正輯

寓園 五九九

日記

黃忠節公甲申日記一卷

明 黃淳耀著
清 譚獻撰

留餘草堂 六六一
半厂 六八五

復堂日記八卷（一）（卷一至卷五）

vt95/07

大正博覽會

參觀記
一卷

江浦陳氏校刻
四明周祿邵署

先外舅上海王睦生先生幼隨侍嚴州府任十歲丁外艱回
槎溪寓廬力學精研人家言游庠後入京爲袁爽秋太常延
課諸子已而南歸筦理義莊經營商業迄滬南總工程局成
立延主工程事務凡拆城填濠築路諸巨役靡不殫精畫
成效卓然甲寅歲日本開博覽會國人結隊往游先生被舉
爲蘇省參觀團長歸爲此記語語翔實無一虛筆於以見專
門家之調查攷核足與其平時經驗參觀互證進而深研其
得失以餉國人固非泛然一覽僅僅作門面語者比也丁巳
十月卒年六十歲有哲嗣二人長守善今官蕪湖關監督次
容善能以商學著聲于時先生曾重拓先世所鑄曙海樓蘭
言室法帖二種以貽親友晚年好藏書畫琳琅插架披覽自
博覽會記

序

娛嘗命洙援清河書畫舫例爲撰藏記塵俗紛糾未一步筆
今附記于此述其概竟回念音容不自知其涕之何從矣已
未八月子壻江浦陳洙謹序

大正博覽會參觀記

江浦陳氏房山
山房筆書之一

上海王維亮 睦生著

子壻陳洙重校

參觀團同人於博覽會十四部多數主張分任調查維亮遂
承之土木事項查會場種種陳列中有東京市特設之陳列
館縱觀種種模型其關於土木之設備可謂周密詳備訪問
市長男爵阪谷議長中野徵諸實地經歷敢一言斷之曰確
能應用學理有益市民生活進步正無涯浹查東京市關於
土木事項之職務屬於市役所之第三部內分道路橋梁河
港營繕四課又特設技師長一部其市面之日形發達無非
道路交通之利便故論東京市之前途其第三部實可謂主
要事務而究厥由來則市區改正實先務中之先務預料將
博覽會記

來其築港計畫尤與市前途之大計回想吾滬市政以後有
關商業興替者不少輒舉管見瑣陳如左
由品川乘電車直達上野博覽會場不過須田町一曲其道
路之條直宛然一大曲尺頗似我上海十六鋪外灘馬路至
南馬頭一曲而卽達滬杭車站惟其路線之長殆加三倍間
道路何以如此逕直雖時有小曲線大致可謂統直則市區
改正之所致也查東京市區之改正始於明治十八年內務
省設東京市區改正審查會至明治二十一年以敕令發布
市區改正條例又以閣令規正東京市區改正委員會之組
織權限由是決定市區改正之設計及事業施行之諸計畫
其設計不問國道路道里道專就市內交通重要之點比例

其程度以爲通達道路之目的計分五等第一等更分二類
第一類幅員二十間以上每間長六尺中央車馬道十二間
以上左右步道各三間以上第二類幅員十五間以上中央
車馬道十間以上左右步道各二間半以上第二等幅員十
二間以上中央車馬道八間以上左右步道各二間以上第
三等幅員十間以上中央車馬道七間以上左右步道各一
間半以上第四等幅員八間以上中央車馬道五間以上左
右步道各一間以上第五等幅員六間以上中央車馬道四
間以上左右步道各三尺以上日本一尺微長於華尺經此
規定政府起市稅特別稅以充此經費設地租附加稅家屋
稅附加稅營業稅附加稅等賦課徵收之條例一面將所要

博覽會記

二

改正處之官有地免費供用更以散在各處之官有河岸地
下附於市以其貸地料租地爲經營此事業資源之一然以
地方需用紛煩於明治二十四年起內國市債猶未能達擴
築道路之目的至明治三十九年期事業之達成更募集外
債設臨時市區改正局至四十二年於預定之事業遂得一
段落之告成而撤市區改正局然於郡部接續之各區其發
展猶形頓滯遂又有交通路線十九條之追加決定第二期
速成事業自明治四十五年度至明治四十七年度三年間
以借入資金執行所策以至今日投於此項事業之經費凡
二千八百六十七萬元買收土地三十七萬五千九百六十
八坪移轉家屋三十二萬四百五十九坪每坪開方六尺道

路之延長達八萬五千九百四十間

東京市道路築造上之區分以沙利敷道路爲主沙利即川

小石鍊瓦鋪木碎石等次之自明治三十一年十月一日市

役所開闢以速三十六年從日本橋區本船町江戶橋際至

本銀町四丁目施行百二十路線道路改築工事實施面積

廿四萬三千六百八十餘坪工費九十萬三千餘元又自三

十四年至三十七年爲改造新橋京橋間及京橋過銀座一

丁目至三丁目二路線又自日本橋過人形町至親文橋之

步道計面積三千九百二十一坪工費二萬一千八百四十

餘圓又以衛生交通各方面之關係爲路面改良之必要於

明治四十三年先着手京橋須田町間步道路面之改良鋪

博覽會記

三

設土瀝青三合土兩樣之材料繼以自四十四年至大正二

年又於日本橋京橋間及自本鄉三丁目至森川町凡京橋

日本橋麴町神田芝五區內以土瀝青三合土鋪木木道即

柏油三合土碎石諸等材料鋪設步道之一部是最近市

街改良之最顯著者其費用二十六萬二百六十五圓施工

面積一萬八千八十餘坪其他捐款試驗鋪設工本之面積

約百五十餘坪而由地主及住戶以自費支辦者尙不遑枚

舉云

嘗游湘根自東京至國府津有火車自國庫津至湯本有電

車已達箱根山麓自此盤旋而上直至山巔有汽車可以飛

馳之士道此土道下山可直達東京蓋於火車電車軌道外

別爲一線其西京之與嵐山大阪之與奈良東京之與日光各道路之開通大率如此更就東京電鐵軌道外所經各路統計之大概其於道路先以通利爲主故其通路幅員卽所謂五等者亦在六間以上而路面鋪設多用石子路旁洩水多用明溝似不甚講究然以經濟艱難先其所急固大可取法也

其與道路連帶之排水工本

卽陽溝陰溝

雖坂谷市長於招待席

間有自謙不如上海之意然其關係衛生之設施自明治八年迄大正二年常由政府派西國工程師撥助帑金測勘設計陸續增築改良計今排水區域三處總面積一千七百五十一萬三千餘坪於公道內埋設陶管

如我國缸及鐵筋混

博覽會記

四

凝土管卽瓦筒管線之延長達二百七十二萬五千餘尺工費總額以前不計但自明治四十四年度計至大正十六年度預備繼續進行款三千九百八十九萬圓其財源略分七類一國庫補助二市區改正特別稅收入金三基本財產卽河岸地租收入金四上水道之收入金五從他項會計之收入金六公地公器賣卻之特別收入金七一時之借入金然以與河道改良之關係每年度所需金額不敷甚鉅則募集公債以濟之其償還期大正十七年度起至大正三十九年乃畢

察勘東京地勢本屬山阜經人工削平今仍有未平之處此其施工之難於吾滬平原者也而其排泄尾閘直通大洋不

似吾滬須顧全黃浦吳淞之多所窒礙也

橋梁事業關係水陸交通特設專課以經理之由築造之性質區別之爲公道橋車馬人行鐵道橋鐵路水道橋水管者電纜橋電話電燈瓦斯橋自來水管公團橋凡各橋共六種自構築材料上區別之爲木橋鐵橋石橋鐵筋混凝土橋四種遠溯三百年前以迄今日經幾多之建驗平均木橋二十年鐵材尙無正確之統計徵諸西國成績其命數當三倍於木橋若石橋鐵筋混凝土橋當更耐久以此理由及車馬便利之故從事改廢修理自明治十一年以來已改築者三十九橋而有待改作者尙屈指難計

博覽會記

五

道路相關係者尙有道路樹木之儲苗移植之設施計苗圃兩所佔一萬六千七百四十坪各種苗木之育成計八萬九千六百株既移植者六千八百株凡三等以上之步道每隔四間植一株全市需三萬五千株現有路樹則一萬四千五百九十四株云樹類多松樹柳樹等

其與排水道路有關係者爲河川之改修自明治四十三年始六年之繼續工費需二百四萬餘圓施行區域河線延長三萬七千三百六間面積五十六萬四千九百五十九坪土方立積二十五萬三千二百二十九坪計用浚河機器船八只運土船三百五十只此大正二年末統計之概況也

所有修改隅田川而填築芝浦工事第一期之工事既告竣

第二期工事今亦大致告竣於是東京加出新地域四十五萬坪繼以第三期工事四十二萬坪之填築於東京灣築港問題之前途大有關係據直木河港課長言中之運輸交通自舊幕時代間以利用河川爲重迨鐵道開通以後集中於市內之貨物一年間約有三百五十萬噸而於外國貿易貨物僅二三千噸由內地貨船載運蓋以隅田川口淤淺不能直接東京之故以致年需駁費一百五十萬圓欲免此耗費則東京灣大築港之計畫費鉅工繁尙待徐徐奏效而今隅田川之改修芝浦之填築既告成工本市卽得五百萬圓以上之利益且有二十尺深之水俾二三千噸之船舶得以入港準此設備着手第三期之工事更可得四十二萬坪土地足使本市之耳目一新云

博覽會記

六

準此以談則我上賓之間引翔港一帶與夫川南出海之水道若加測勘修築人工其利益當無涯涘
尙有一端則墓地之處理是也日本風俗習慣有火葬會故占地無多非特典不得獨葬其葬地由公家指定地域可以無妨大眾不似我國繁累青冢致良好田畝荒廢此吾國一時不能學步而足資討論者
就土木有關各點總計之吾國欲市政發達人人宜有交通興利之思想此則教育者之責而地方有聲望者亦不能不負倡導之義務也若夫有關工業之製造器械則人造石與水門汀所合各類工藝大宜提倡振興而工其上應用器具

亦購樣仿製凡此事業果能急起直追率先興作爲內地取法卽吾滬是業家之大利也

縱覽所及凡所感觸更瑣陳如左

農商務省所設商品陳列所大正二年度之統計日華貿易計由日入華者爲絲布其他棉製品砂糖燐即自海產物石炭等金額一億五千四百六十六萬零四百二十八圓由華入日者豆粕大豆雞卵繭麻鐵礦等品總額六千一百二十二萬三千〇三十八圓是每年直將有一億圓輸與日本也準此推想不禁爲之瞠目禿舌矣

入華貨物中區區草帽一項有五十餘萬圓而其原料由華產輸入者計三十餘萬圓蓋一經轉運製造卽贏利數十萬

博覽會記

七

圓夫此數十萬圓吾華人何爲但能輸出而不能自營耶況草帽一項日本之出口總數有四百五十餘萬圓吾國曷不仿造而移其利也

入口貨物中之大豆豆粕雖吾東三省土產而收買製造年來幾盡操於日人之手向爲駐日華商之大利今無有矣且因鐵道政策直視作殖民地於博覽會拓殖館中明目張膽示國人以移殖滿洲之大利恐此後將并種植之利而亦奪之也

雞卵爲食用工用要品向亦爲華貨大宗日本政府以利潤外溢十年前卽提倡養雞事業遂爲農家副產鉅項而吾華貨遂江河日下矣且改良卵種其白殼大卵酷似吾華鴨卵

日本不準優勝劣敗之理恐華貨將盡爲排斥或且輸入我
市場此吾華農家亟宜選種選卵以求自立而免淘汰者也
同人抵東適值家禽大難而言陳列之時此非常列之品今
易犬豕而更易他物矣大概分卵用肉用愛玩品三種每種
一對動稱數十圓大都自西國移植日本之種殆絕無僅有
其長尾雞尾長丈許乃日本土產非應用品也

日本果品之甘美繁富亦二十年來進步之大可驚者時已
入夏而橘柚之類尙所在列肆大伏未來而巨大西瓜已登
於市枇杷櫻桃及時佳品更不必言其味大率甘美適口聞
十年前留學於此者言彼時果品尙無今日之美富蓋十餘
年來園藝改良進步之效也如論日本地質於果品實不相

博覽會記

八

宜今蓋全以人力勝天然者也聞蘋果一項輸入吾華者已
年有四五十萬圓上海南北市以及近滬各地酒席所用金
山蘋果殆皆日本貨所冒充者也吾同胞其亦一究齒頰餘
芬乎觀家畜陳列品其豬種大概爲黑白二種而身軀之大
殆如小牯牛均係英國納克種據農學生言製造外國火腿
必須此種豬類上海大菜館所用英腿日本充貨亦不少云
是亦吾農家講求牧豕者所當注意者也

總之日本惟農工業發達故商業勃興而其農工發達之關
係大都能利用化學與機械如農業則重土壤肥料之分析
與使用新式農具而工業塗染之五光十色與夫機巧之推
陳出新尤妙在不尙珍奇而重普通用品如打稻機稻繩機

人工新式織綢織布器與夫哺離器蜜蜂箱噴霧器誘蛾燈
種種皆輕便易於仿造我國陸公使爲某等言諸君考察宜
求簡便易行者可謂至言故欲訪購模範探聽價值則自有
國設之領事官在有志興業者儘可通函相託也

更有不在會場之內而足以興起工藝推廣商務爲我國急
宜取法者農商務省設立之陳列所是也所中將本國貨物
分類陳列由農商務省派員專司其事凡本國商及各國商
欲辦何貨卽由所員介紹至該物出產之著名商廠購運所
中並無回扣亦不發售祇有各貨樣陳列使本國製造家有
優劣之比較而購貨人知有貴賤價值以適宜取擇殊不似
散漫無稽者之難於揀選也且更有製造與商務大有關係

博覽會記

九

之一端則將各外國所喜用之物件分室陳列使本國工藝
製造家有所標準而廣銷路於各國凡如我中國及歐美之
俄德英法美國各有需用品陳列室又如朝鮮印度南洋各
島皆將其所日用之品收集而分室陳列之其所採集陳列
者不務精美但求爲日用必需之物非如我國之徒講美術
品甚至以古董字畫列入其間彼則但求各地風俗習慣日
用流行之品陳列其間甚至小兒之玩具亦復滿列其間矣
夫以美術品與日用品相較其銷路之廣狹盡人知之而有
此陳列又使商人熟知各國之嗜好仿造而運銷之此其推
廣商務振興工藝之法爲何如耶我上海爲通商巨埠各省
各國之人與貨均匯集其間急宜合全國商會商力在上海

仿此良法設陳列所聚國貨於一堂不但外人有所採擇卽此省與彼省之貨亦得互相運售矣我國往往有彼省有此貨物而此省之人不知其名且未見其貨者至於外人嗜好物我國從不知仿造與運銷今設陳列所或亦足以稍開風氣乎是不得不望於提倡者矣

可

言

天體本積氣地形同彈丸此清張維屏詩也不為天圓地方之說所困矣張字南山番禺人有聽松廬文鈔

地球為八大行星之一繞太陽而旋轉謂之公轉由公轉以生四時自繞其軸而旋轉謂之自轉由自轉以生晝夜古人亦微知之宋趙與峕賓退錄考靈耀曰地有四遊冬至地上北而西二萬里夏至地下南而東三萬里春秋二分其中矣地動不止譬如人在舟而坐舟行而人不覺

歲晚務閒蕭然庭戶焚香寂坐念我故人高雲鄉惠然肯來小庭斜月梅影橫窗樵蘇清談遂至微曙雲卿名民餘姚人有守璞居詩學問經驗為任事之人所皆不可缺者少者富學問老者富經驗有學問而無經驗輒多杆格有經驗而無學問未易改革學問經驗不可缺一故無論何事非以學問經驗相輔而行於事無濟也

外國人稱吾國曰支那舊說秦始皇統一中國聲教遠被因稱我國為秦支那即秦音之轉宋史天竺三表來譯云代顯支那皇帝福壽圖

可言卷一

滿

我國幅員至廣沿海長六千餘里南部受太平洋之暖流故大江南北氣候溫和北部受北冰洋之寒流故遼河白河之流域冬春兩季堅冰不解日本以三島位太平洋中其本島與天津營口幾同緯度而其溫度不若天津營口之低者以其西部與東南亦受來自太平洋之暖流也

宋王禹偁小畜集訓楊遂詩云甲科中南國注江南狀元及第又云通籍越東朝注入中國為贊善蓋遂以南唐人歸宋也禹偁故謂其入中國而吾國人之自大即此可見南唐之版圖固非在域外也

清社屋國體改合漢滿蒙回藏五族而成中華民國吳人秦菁所謂五味者各稱一族之名合和一點名曰羹是也吾日望其如羹之調和矣

民國者國為民所有也是則凡為國民必皆有國家觀念也然絕人之以外國人與內國人相對舉也則曰外國人本地人不曰本國而曰本地國家觀念何有乎

通之常者為經反經而合道曰權史記張儀傳贊三晉多權變之士

漢書長於權謀後漢書計日用之權宜後漢書魯恭傳祖父匡王莽時為義和有權數號曰智囊後漢書祭彤傳彤有權略凡所謂權變

宜變數權略者雖奇而不軌於正蓋非上智不能也居今之世非權不可行宜以君子自待而不得不以小人度人迫於環境末如之何耳若小人之所為機械變詐久亦必敗小人之者亦小有才而已不足謂之智也

處今之世勇於救國而直情徑行雖有良法美意鮮克有濟蓋衆生蠢蠢環境皆是自必羣起而撓之固非以仁術行之不可孟子曰是乃仁術也集注術謂法之巧者言行仁權宜之法也實言之仁術即權術也

理想派不能實行然能於逆詐億信四字多加之意雖不中亦不遠安見其不能實行耶若以人之欲善誰不如我之心推之於人則此理想之無不杆格可斷言也

處今之世不可無權術否則奚以應變而取人此仁和譚復堂論之所以言知正而不知變君子之無術者也然亦宜三復董仲舒之言春秋繁露云

明乎經變之事故然後知輕重之分可與適權先哲名言有通古今涵雅故舊道德能文章四君子欲益之以習藝術明法律參權謀樂天命十二字蓋不習藝術將何以生存於今世不明法律將何以各

可言卷二

保自由

不參權謀將何以應變取人不樂天命將何以祛貪去吝若俗語之所謂世故人情皆宜明瞭者則已於通古今涵雅故二句括之矣

不通外國文字者讀譯本書於地名輒厭苦之以其文字冗長詰屈熱牙也宋孝宗亦然齊東野語云程泰之進講禹貢多引外國幽奧地理上頗厭之宣諭宰執云地理既非親歷雖聖賢有所不知朕殊不曉其說

清康熙五十五年聖祖訓海外西洋各國千百年後中國恐受其累此朕逆料之言彼時聖祖果能遠使考察歸而自強亦何至凌夷以有今日耶

清黃遵憲人境廬詩草續懷人詩注光緒六年會上書譯署請將朝鮮廢為郡縣以絕後患不從又請遣專使主持其外交廷議又以朝鮮政事向係自主尼之及金宏集使日本余為作朝鮮策令攜之歸

勸其親中國結日本聯美使國君臣集衆密議而聞者譁噪或上書詆金為秦檜並彈射及我謂習聖教而變夷言受倭奴之指使而為

漢教說法云朝鮮不聽忠告而謂宏集受倭奴之指使今果何如

唐亮南撫交趾指五嶺以南一帶之地而言漢置交趾郡始專言今安南北部之東京州至交趾之名舊說謂為足相卿之義然古之希臘稱世界人類有對住者對北隣住者等名交趾即對住者之意乃北方民族以之稱南方民族謂一南一北足趾相交非真其人之足相卿也今吾國之與美利堅足相卿真可謂之交趾矣越南為上古百粵之地自秦漢至唐其地悉入我版圖唐初置安南都護府於交州治今之河內城以統海南諸國安南二字實始於此明代嘗改為行省後仍為藩屬清光緒十二年為法蘭西所併然其人民衣服今猶沿襲明制

偶作郊游村叟吳蘭堂留住綠陰滿院烏啼人寂調水看山燒猪吃荷至足樂也

歐美有重洋之隔未能至夢游之日日本與吾同洲未能至亦夢游之南通以模範縣聞於時距滬數百里人事牽率乃亦惟夢游而已實人之不得自由有若是抑亦野蠻如予者固不得一游文明之域耶俗有一箭路之說言距離密邇也一箭路即一箭道一箭可及之地也翻譯名義集一箭道嘉祥二二三或二三取計一百五十步或云

一百三十步或二百二十步文言則曰一牛吼地謂牛吼聲所及之地也梵語之拘盧舍譯云五百弓見翻譯名義集亦曰一牛鳴地大藏一覽一牛鳴其聲五里又有曰一雞飛地者雞飛不能及遠則距離更近矣

噴泉一名飛泉雨水滲入地集於四周岩石或黏土不滲透處若於其上穿孔抵此水即上升與水源同高故地中水源如自上及下作斜勢而於其最低處穿孔者則水必噴出地面高數十尺數百尺其以人工製者或以管引山泉或以自來水管埋地中均可今之園林多有之而差有類宋之湧泉石也司馬光有湧泉石詩其題云樞密學士蔣公知府事得片石大如席上有數十竅莫知所施公問石工對曰此蓋湧泉石也乃於飲亭下鑿地為罅置石其上夏日從旁激水灌之躍高數尺以清暑氣詩云蒼然片石寒百道飛泉吐高堂忽蕭瑟坐失炎蒸苦於龍臥欲飛仰嘆秋空雨詩見溫國文正司馬公文集

凡都會之地必人衆食艱而為萬惡之數新大陸之紐約芝加哥且然更何論乎我國之滬滬之不可言誠有若明之燕京矣明謝肇淛

五雜俎燕雲只有四種人多奢豎多於婦婦女多於男子娼妓多於良家乞丐多於商賈至於市陌之風塵輪蹄之紛紜奸盜之叢錯

上海公共租界有老拉圾橋新拉圾橋蓋以橋下泊有載運穢物之舟也或以拉圾二字見詢因為考之如下拉俗讀如辣坡俗讀如色俗謂塵土穢積曰拉圾拉字字書未見拉義同炭亦不可通蓋拉圾本作攪攪音臘集韻攪和雜也吳越風土餘俗以冬至前後逢雨雪主年夜晴若冬至晴則主年夜雨雪道塗泥濘諺云乾淨冬至攪攪年亦即拉圾穢雜也晉書太元末京江謠云黃雌雞莫作雄父帝一日去毛衣衣被拉圾樓後作拉圾拉圾聲聲衆物和雜亦曰拉

雜以箕餒物曰拉圾拉圾二字意義頗完善俗因有塵土之義改土旁為拉圾夢梁錄諸河有載拉圾糞土之船又每日掃街盤拉圾者支錢稿之

清光緒甲辰夏季游徐家匯就飯村肆解衣旁憐憫於席時方亭午靜坐當風煩襟已滌默思租界劇場正當鐃鼓聲沸魚龍曼衍時也樂何在耶飯畢游李公祠便至村肆品茗與田夫野老相問答地

可言卷一

四二

臨河微風習習披襟當之至適旋至盧家灣就茗肆小坐座無一俗人歸途夕陽在山循樹蔭而行覺此游之樂未易得也歸途所見者天主教之守貞女教徒俗稱聖女項下有二帶圍繞于領作三角形以為識又有安南婦女頭戴大笠頂平如覆盤可隱身

嘉興湖州蘇州松江太倉各屬之鄉人謀生於滬者男女皆有彼此問訊輒曰爾何日自鄉下來我將於何日回鄉下不自言其本縣之名蓋僅知鄉與城之對待或鄉與市之對待也省府之別更茫然矣若是之民尚知有國乎黃浦江東之地曰浦東分屬於上海南匯川沙奉賢而南川奉之人在滬者人問以鄉里輒曰本地則并縣名而

憤然矣

清光緒末葉當語瑞安陳介石主政云滬之繁昌自今以往當日盛一日其故以內地影影盜賊蜂起覓食不易乃集於滬一言以蔽之曰富貴者避難貧賤者謀生如水之趨壑如鳥之投林也今果驗矣戊巳庚辛中華民國七年間水旱迭見干戈未戢其幸而免此者所居固樂土也以言乎滬則謀生較易宜若可以安居樂業矣而屋租米價之昂較之晚清或相倍蓰以是一者之昂日用各物亦遂日

益騰貴中流社會之人尤苦之自盡者已屢見矣蓋屋租米者之爲富不仁若此宜通土義之爲人所樂聞也 滬以崇土著於域中久矣市政修明有客至如歸之樂光緒庚子以前若是也自是以往則避地者衆遂患人滿然近頃以來久於滬者乃有焉能鬱鬱居此之歎則盜賊橫行物價騰踊故也日在危疑震憾中者上等社會也日在支持竭蹶中者中等社會也日在飢寒交迫中者下等社會也晨至滬甯車站送客以有避地南來之感友來自京師也滬爲租界託比於外人皆視爲世外桃源矣明王整己未歲南歸至德州口占詩云舟發河西水塞川敗林枯葉總蕭然德州楊柳青在南北端疑有二天南北今日誠有二天聞見皆然甯獨敗林枯葉之與楊柳哉整字濟之震澤人詩見王文恪公集

上海地名有曰十六舖者廣州地名有曰十七甫者舖爲鋪之俗寫甫爲鋪之簡寫以鋪名其地當爲古之郵亭顧炎武日知錄今時十里一舖設卒以通公文宋時已有以舖爲地名者張來有宿第四舖詩綜古今之舖名觀之可知其以郵亭爲地名也

可言卷一

五

京城上海法租界之霞飛路即其例也吾國古亦有之臨海王魏勝所撰項子選詩跋子選先生吾邑東鄉人去城二十里而近今猶呼項斯坑蓋吾鄉民情樸實往往以聞人姓字呼其所居如南鄉柯塢緣敬仲先生得名皆此類也

詩灑掃庭內曰灑掃者蓋必先灑以水後掃以帚則塵不上揚而不至侵入人腹致肺疾也上海租界之市政西人操其權通衢多塵時以水灑之帚掃之潔矣自摩托車日多銜接而至其塵塵上行人之出於其途者素衣化縐無異京洛轉不若腹地街市雖或崎嶇尚無塵垢且滬地之潔僅在通衢里巷之中污穢已甚或有爲腹地所無者西人以爲華人所居不過問也

李澄傳澄豐於產業伊川膏腴水陸土田修竹茂樹自城及關口別業相望東吏部侍郎李彭年皆有地癖今之有地癖者多矣凡通商口岸若天津若漢口若上海地價之昂至可驚駭而蓄地者輒居爲奇貨囤積販賣立致巨富不勞而獲者莫此若謀以重稅不爲虐歲徵若干爲地方公益之費斯得矣 東南地價之昂至滬而極壬戌十一月八日申報所譯上海建築業之調查篇述地價

者有云每一華畝以上海規元銀計黃浦灘三十六萬兩福州路等處華人娛樂薈萃之處二十五萬兩南京河南兩路商業之中心點九萬兩靜安寺路住宅地產一萬兩法租界住宅地產二千六百兩以上 地價之昂繼長增高靡知所屆公共租界極司非而路僻處西陲屋已鱗櫛而其後農家所居壬戌冬過之猶曠土也地之畝價銀幣三千圓弱有准人購七分之地非爲築屋計也掘泥鬻之爲造路之用所獲泥價約四千圓有奇地價工資僅二千圓強既得倍息而猶可蓄水爲池以養魚也 地價之昂且由滬而及於寶山之江灣嘉定之南翔矣江灣適滬畝價以千計南翔較遠沿鐵道者畝需銀幣五百圓此癸亥年十二月廿二日春南翔土著湯銘三所語林重夫者銘三且言戊午年春南翔畝價僅四十圓相距五年而昂乃若是則以辛酉年滬有交易所屋租騰貴南翔交通便徙居者衆投機者購地建屋以待實而地價日昂宜有加而未已矣

可言卷一

六

歐美道路有車行人之別車行於中央人行於兩旁其尤廣者則分之爲五爲七也而古人亦有分道爲三者宋趙與峕賓退錄古者通路男子由右婦人由左車從中央今遂寧府譙門之外有橋曰儀橋不知何時所加上加欄檻道分爲三尚彷彿古人之意謂之儀者猶儀門也又滬之通衢俗所稱馬路者車行路也南京路曰大馬路九江路曰二馬路漢口路曰三馬路然馬路之稱清道咸間內地已有之見黃燮清倚晴樓詩集之長水竹枝辭有云風吹花信到樓臺馬路迢遙雪乍開原註馬路在蘇州城外長水者海鹽也康莊大道國人罕見之以其可馳馬也故稱之曰馬路又以其陸續增設也故曰大日二日三以迄於六六馬路者北海路也亦陸續簡單之證也蘇城花街昔爲妓女叢集之所今則蕩民充塞雖操業不同而爲害羣之馬則一也是誠可謂之曰穢里矣南史劉繪爲南康相郡人有姓賴居穢里投刺謁繪繪嘲之曰君有何穢而居穢里此人應聲答曰未審孔子何穢而居穢里 蘇州齊門外錢萬里橋在清康熙朝曰錢賣女橋流娼船多泊之此更奇於朝歌湯母柏人之名矣崑山多曠土五十年來草萊漸闢客作之力也客作以浙之紹興人爲多且有遠數千里而至自河南光州者太倉江陰無錫江都之人亦受田而耕予詢之士著謂崑民情則曰人少也受洪楊之賜也然予嘗巡行塵市而知閭閻之主負販之夫以暨勞動之雜役幾無

一爲士著乃數外力之侵入繼長增高再五十年非悉爲賓萌之殖民地不得也

吳郡志諺曰天上天堂地下蘇杭又曰蘇湖熟天下足湖固不逮蘇杭府諺猶先蘇後杭說者疑之白居易詩曰雪川殊冷僻茂苑太繁雄惟有錢塘郡閑忙正適中宋袁宏根窗小牖汗中呼餘杭百事繁庶地上天堂七修類稿引諺云上有天堂下說蘇杭鄧林初入杭詩游徧江湖未到杭不知人世有天堂予杭人也半生道長去父母之邦爲飢所驅乃甘入地獄而舍天堂地獄者予以譬萬濁之上海也惟若以員莊對天堂而言則僣不於倫矣劉蕡樹萱錄員半千有莊在焦戴川里諺曰上有天堂下有員莊

我國之西湖三十有奇其著者六一浙江杭縣城西周三十里三面環山亦名錢塘湖又名明聖湖又有外湖裏湖後湖之稱爲我國特著之名勝二在浙江建德縣城西南廣袤五百四十一丈唐刺史侯溫所開中有寶華洲三在京師城西北萬壽山麓亦曰昆明湖周十餘里引玉泉水入之頭和園位其側四在安徽阜陽縣西北長十里廣二里潁河合諸水匯流處宋晏殊歐陽修蘇軾曾宴遊其地五在

可言卷一

一

福建閩侯縣西晉太守嚴高鑿五代時閩王莊室其上攜宮人遊焉謂之水晶宮清時重浚周十餘里爲閩之勝地六在廣東惠陽縣城西亦曰豐湖廣袤十里六者之中以吾杭之西湖爲尤著 丈夫志在四方舟車之迹徧天下鄉里缺如者多矣吾杭丁脩甫前輩立誠詩云杭城十門未游徧忽忽行年將大衍自知腰脚豈常輕眉睫終身不能見其詩題爲出望江門飯於義渡局上大通橋沿塘過清泰門由烏龍廟進慶春門見小槐簾詩稿予少在越壯游南湖中年久僑滬杭之城門未游者不僂二也 丙辰中華民春住靈隱三日乃知故鄉巖壑之美山氣養身溪聲隨步風日晴好胸次悠然願爲識字耕田夫長此終古耳 鑑湖一曲人所習知鑑湖在紹興縣城南一名鏡湖又名長湖唐玄宗賜秘書監賀知章鑑湖一曲是也而有西湖一曲見齊東野語賀似道園有高宗御扁西湖一曲是也西湖一曲之爲外國人所得者今有之矣

陽朔之山甲天下亦奇秀耳廣古之山皆奇秀勝於江南小孤山路似之然猶未若蜀山之雄厚也况夔巫前輩周頭嘗曰游廣右者如游大園林無處不見大假山大石苟則其山之奇秀可想見矣宋范

成大桂海虞衡志桂山之奇宜爲天下第一士大夫落南者少住往不知

京曹攜眷棲止之屋揭於門者曰某宅外省仕宦者所居無論大小皆曰公館自清迄今皆如是然稽之古昔則公館之義爲公署非私宅也禮公館復私館不復注公館若今縣官舍疏謂公家所造之館及公之所使爲命停舍之處北史時外史辭宇屢移未有定所黎景熙上言外史之職漢之東觀自魏及周公館不立高適詩清畫下公館尺書忽相邀文同詩寂寥公館靜門掩似山家明劉崧字子高泰和人官終國子監司業其詩有蕭條公館三間屋句是皆指公署而言元傅與礪有重午寓揭公館詩則私宅也揭即揭侯斯詩有云翰林宅中值重午節物驚人心欲推又云主人總有故園意與客慰藉共傾杯曰翰林宅中曰主人總有故園意可知其爲私宅矣私宅之稱公館殆原於此 自有宅與公館之稱而非官吏之喜自侈者亦稱宅稱公館矣聞人之稱以府稱以第稱不憚意謂府第爲通常之稱卑之而非尊之也實按之則向有王府公府侯府相府等稱又宋黃庚堅次韻德孺五丈新居病起詩潭潭經略府之尊可知且府

可言卷一

八

與邱略同諸侯朝京師所舍曰邸漢書至邸而議之史記臣觀諸侯王邸第百餘皆高祖一切功臣宋史王公妃主邸舍相望第宅第也賜宅有甲乙次第故謂之第見漢書注宋張耒詩題中有追記春睡詩乃寓錢第所爲者第之尊亦可知今人不察惟知公館二字之尊自尊者曰我公館尊人者曰貴公館非夙居京師者并不知宅之爲尊稱矣此亦足以見國人之醉心仕宦也

薄游安慶居逆旅掩關度日不謁客不閱市晝伏一案夜棲一榻周旋斗室未覺其隘以是而知居室之不必求善易於苟安也外此者更無論已白居易狂言示諸姪詩勿言舍宅小不過寢一室誠哉是言

昔之逆旅曰店曰棧汚穢不可言狀北方尤甚例之雞棲豚欄不爲過也晚清以來南北逆旅有以旅館二字揭櫫者雖多糜金錢而清潔可居矣清嘉道間王衍梅綠雪堂遺集有客店二字書已矣客店惡五首讀之可知其惡也今錄三首於此詩云牆碑塌入古墳界觸體曉月孤狸拜茅蓬似磬黑打頭酸風射眸毛髮怪持鐙照壁畏見蛾拍扇驅塵愁落盡吁嗟乎旅人早起常少眠一更難度如